



Reglament davart il pajament da contribuziuns per las direcziuns da scolas popularas e da scolinas en il chantun Grischun (reglament davart las direcziuns da scolas)

sa basond sin l'art. 4 al. 2 e sin l'art. 13 da l'ordinaziun davart il pajament da contribuziuns per las direcziuns da scolas popularas e da scolinas en il chantun Grischun (ordinaziun davart las direcziuns da scolas)

relaschè dal departament d'educaziun, cultura e protecziun da l'ambient ils 10 da favrer 2009

	Art. 1
Object	Il pajament da contribuziuns per las direcziuns da scola è collià cun l'adempliment da premissas minimalas areguard las direcziuns da scola en uffizi. Quest reglament concretisescha las premissas minimalas per il dretg da survegnir contribuziuns.
	Art. 2
Models da direcziuns da scola ed engaschament	<p>¹ Direcziuns da scola consistan d'ina u da pliras persunas. Ina persuna sto vegnir designada sco persuna da contact cun l'uffizi.</p> <p>² Il pensum da lavur minimal da 30 pertschiants da plazzas sto vegnir observà da mintga directura u da mintga directur da la scola cun dretg da survegnir contribuziuns.</p> <p>³ Las cundiziuns d'engaschament da persunas che adempleschan incumbensas directivas per la scola e da persunas che instrueschan ston vegnir separadas.</p>
	Art. 3
Carnet d'obligaziuns	Las incumbensas e las obligaziuns da la direcziun da la scola vegnan fixadas en in carnet d'obligaziuns.
	Art. 4
Obligaziuns e cumpetenzas da la direcziun da la scola a) pedagogia	<p>¹ La responsabladad per la direcziun operativa da la scola è chausa da la direcziun da la scola, e quai per incarica da l'instituziun ch'è responsabla per la scola. Latiers tutga la direcziun operativa en ils secturs da la pedagogia, da la pedagogia speziala, dal personal, da l'organisaziun e da l'administraziun sco er da las finanzas.</p> <p>² La direcziun operativa en ils secturs da la pedagogia e da la pedagogia speziala cumpiglia en spezial:</p> <ul style="list-style-type: none">- la responsabladad per il svilup e per la garanzia da la qualitat da la scola e da l'instrucziun;- l'assistenza da projects communals dal svilup da la scola;- visitas da l'instrucziun;- la promoziun da la collavuraziun pedagogica da las persunas d'instrucziun e da las persunas spezialisadas;- la conresponsabladad per decisiuns che concernan la carriera da scola;- la coordinaziun en ils secturs da l'integraziun e da las mesiras pedagogic-terapeuticas.

b) personal	<p>Art. 5</p> <p>La direcziun operativa en il sector dal personal cumpiglia en spezial:</p> <ul style="list-style-type: none"> - la direcziun da las personas d'instrucziun e da las personas spezializadas, da las pedellas e dals pedels sco er da l'ulteriur personal da scola; - la planisaziun dal personal e l'organisaziun da substituziuns; - la controlla che l'incumbensa professiunala vegnia ademplida da las personas d'instrucziun e da las personas spezializadas; - la responsabladad per discurs cun collavuraturas e cun collavuratur; - la planisaziun e la coordinaziun da la furmaziun supplementara da las personas d'instrucziun e da las personas spezializadas; - la proposta per l'elecziun resp. per la relaschada da personas d'instrucziun e da personas spezializadas; - l'introducziun e l'assistenza da novas personas d'instrucziun e da novas personas spezializadas.
c) organisaziun ed administraziun	<p>Art. 6</p> <p>La direcziun operativa en il sector da l'organisaziun e da l'administraziun cumpiglia en spezial:</p> <ul style="list-style-type: none"> - l'execuziun e la surveglianza da las disposiziuns giuridicas sco er l'organisaziun da la scola (planisaziun da l'onn e program da scola, uraris e plans dals pensums, repartiziuns da las classas, organisaziun da las localitads); - la collavuraziun cun l'uffizi cumpetent; - il manaschament da crisas.
d) finanzas	<p>Art. 7</p> <p>La direcziun operativa en il sector da las finanzas cumpiglia en spezial:</p> <ul style="list-style-type: none"> - la planisaziun e la controlla dal preventiv en il rom da las disposiziuns chantunalas e communalas; - la cumpetenzza da far expensas en il rom che vegn definì da l'instituziun ch'è responsabla per la scola.
Qualificaziun	<p>Art. 8</p> <p>¹ Las directuras ed ils directurs da las scolas che han il dretg da survegnir contribuziuns tenor l'art. 4 al. 1 ston avair experientscha d'instrucziun sco er ina scolaziun supplementara en il sector da la direcziun d'ina scola.</p> <p>² Sco qualificaziun equivalenta valan cumulativamain experientschas en ina professiun pedagogica sco er experientschas da direcziun da plirs onns.</p>
Interfatschas ad instanzas chantunalas	<p>Art. 9</p> <p>¹ L'uffizi profita da las occurrenzas obligatoricas tranter auter per infurmar e per declerar concepts e projects dal chantun, per garantir lur realisaziun en las vischnancas sco er per procurar resuns davart lur execuziun.</p> <p>² L'uffizi sustegna las direcziuns da scola en dumondas pedagogicas ed organisatoricas.</p>